

## Colurs en baselgia

### Astga igl augsegner eleger tgei vestgiu ch'el trai en?

Forsa has era ti gia observau ch'il plevon sevestgescha adina in tec auter da messa: en tgietschen, alv, verd, violet ed en color rosa.

La color dil vestgiu digl augsegner ei prescreta tenor il di. Ins numna ellas las „**colurs liturgicas**“.

**Violet** stat per preparaziun e midada. Igl ei la color digl \_\_\_\_\_ e dil \_\_\_\_\_ da \_\_\_\_\_, pia il temps da preparaziun sin Nadal e Pastgas. Igl ei era la color ch'il plevon porta duront ina bara e da Numnasontga.

**Alv** ei la color dalla \_\_\_\_\_, la color per fiastas dil tuttatafag specialas: per Nadal e Pastgas, Sontgilcrest e Perdanonza ed enzacontas autras fiastas. Alv stat pil niev ch'ei vegniu en nies mund entras \_\_\_\_\_.

**Rosa** ha il plevon en mo duas gadas ad onn. Quellas dumengias senumnan \_\_\_\_\_, la tiarza dumengia d'advent \_\_\_\_\_ la quarta dumengia da cureisma. Omisdus plaids muntan: Selegrei! Selegra!

**Tgietschen** ei la color dil \_\_\_\_\_ e dalla confessiun. Igl augsegner ed igl uestg portan da Tschuncheismas e per la creisma in vestgiu tgietschen. Tgietschen stat era per \_\_\_\_\_, che Jesus sez e suenter auters cristifideivels han endiriu pervia da lur cardientscha. Tgietschen ei perquei era la color da la Dumengia dallas palmas, Venderdis sogn e da fiastas da marters.

**Verd** ei la color dalla \_\_\_\_\_ e dil crescher ella cardientscha. Verd ei la color dil \_\_\_\_\_. Mintga dumengia, ch'il plevon ha buca en in vestgiu violet, alv, rosa ni tgietschen ha el en in vestgiu verd.

### Drova quels plaids !

**Gaudete / temps da cureisma / Glisch / Mintgadi liturgic / la mort / Jesus Cristus / Laetare / Sogn Spért / speranza / advent**

**Sligiazium:**

**Colurs en baselgia**

**Astga igl augsegner eleger tgei vestgiu ch'el trai en?**

Forsa has era ti gia observau ch'il plevon sevestgescha adina in tec auter da messa: en tgietschen, alv, verd, violet ed en color rosa.

La color dil vestgiu digl augsegner ei prescreta tenor il di. Ins numna ellas las „**colurs liturgicas**“.

**Violet** stat per preparaziun e midada. Igl ei la color digl **advent** e dil **temps da cureisma**, pia il temps da preparaziun sin Nadal e Pastgas. Igl ei era la color ch'il plevon porta duront ina bara e da Numnasontga.

**Alv** ei la color dalla **glisch**, la color per fiastas dil tuttafatg specialas: per Nadal e Pastgas, Sontgilcrest e Perdanonza ed enzacontas autras fiastas. Alv stat pil niev ch'ei vegniu en nies mund entras **Jesus Cristus**.

**Rosa** ha il plevon en mo duas gadas ad onn. Quellas dumengias senumnan **Gaudete**, la tiarza dumengia d'advent e **Laetare** la quarta dumengia da cureisma. Omisdus plaids muntan: Selegrei! Selegra!

**Tgietschen** ei la color dil **Sogn Spért** e dalla confessiun. Igl augsegner ed igl uestg portan da Tschuncheismas e per la creisma in vestgiu tgietschen. Tgietschen stat era per **la mort**, che Jesus sez e suenter auters cristifideivels han endiriu pervia da lur cardientscha. Tgietschen ei perquei era la color da la Dumengia dallas palmas, Venderdis sogn e da fiastas da marters.

**Verd** ei la color dalla **speranza** e dil crescher ella cardientscha. Verd ei la color dil **mintgadi liturgic**. Mintga dumengia, ch'il plevon ha buca en in vestgiu violet, alv, rosa ni tgietschen ha el en in vestgiu verd.